



TANGAZO LA UUZAJI WA MITI YA MISAJI KWA NJIA YA MNADA WA KIELEKTRONIKI

Wakala wa Huduma za Misitu Tanzania (TFS) utauza miti aina ya misaji yenye jumla ya meta za ujazo **1,313.897** iliyopo katika Shamba la miti Longuza, Wilaya ya Muheza Mkoani Tanga. Meta hizo za ujazo zimegawanywa katika **ploti 18**. Hivyo, Wakala unautangazia umma kuwa: -

1. Miti hiyo ya Misaji itauzwa kwa njia ya mnada wa kielektroniki kwa kuzingatia Kanuni ya 31 (ii) ya Kanuni za Misitu za Mwaka 2004. Mnada huu utafanyika siku ya **Jumanne** tarehe **20/06/2023** kuanza saa moja kamili (01:00) asubuhi hadi saa kumi kamili (10:00) jioni.
2. Ili kushiriki kwenye mnada, mshiriki atatakiwa kujisajili kupitia anuani ifuatayo <http://mis.tfs.go.tz/e-auction> kuanzia tarehe ya tangazo hili hadi saa tano kamili (5:00) usiku wa tarehe **16/06/2023** siku ya **Ijumaa**. Kwa ajili ya msaada wa usajili, wasiliana na: +255 713 335 926 or +255 766 857 062.
3. Washiriki wanakaribishwa kukagua miti iliyopo shambani wakati wa saa za kazi; kuanzia saa tatu (3:00) asubuhi hadi saa tisa (9:00) alasiri siku za Jumatatu hadi Ijumaa isipokuwa siku za sikukuu. Ukaguzi huo utafanyika kuanzia tarehe ya Tangazo hili hadi tarehe **13/06/2023** siku ya **Jumanne**. Mhifadhi Mkuu wa Shamba la Longuza au wasaidizi wake watakuwepo kwa ajili ya kutoa maelezo ya ziada.

Masharti ya kushiriki Mnada huu

Mshiriki anapaswa kujisajili na kuthibitisha ushiriki wake na hivyo atakuwa amekubalianana masharti yafuatayo: -

1. Kila Ploti itanadiwa peke yake kulingana na bei na ujazo uliotangazwa. Ploti hizo zimepangwa kwa mafungu ambapo kila fungu litaonekana na kuuzwa kwa **saa moja (1) na dakika 30 tu**.
2. Baada ya kukamilisha usajili, mshiriki atatakiwa kuthibitisha ushiriki wake angalau dakika tano (saa 12:55 asubuhi) kabla ya muda wa mnada kuanza. **Muhimu:** Uthibitisho baada ya mnada kuanza hautakubaliwa.
3. Malipo yote yafanyike kupitia benki au mitandao ya watoa huduma za

kifedha baada ya kupokea hati ya madai (bill) ya Mfumo wa Makusanyo ya Serikali (GePG) itakayopatikana kwenye akaunti ya mshiriki kwenye mfumo wa mnada wa kielektroniki.

4. Mshiriki atakayeshinda atatakiwa kulipa asilimia ishirini na tano (25 %) ya thamani yote ya ununuzi ndani ya siku tatu (3) za kazi baada ya siku ya mnada. Fedha hizo hazitarudishwa endapo mshindi atashindwa kulipia ujazo wote aliouziwa. Mnunuzi ataruhusiwa kulipia zaidi ya asilimia ishirini na tano (25 %) ya malipo ya kitalu chochote mara tu baada ya kukamilisha malipo ya awali ya asilimia ishirini na tano (25 %) kwa vitalu vyote alivyonunua. Asilimia sabini na tano (75 %) iliyobaki italipwa ndani ya siku kumi na nne (14) kuanzia siku ya mnada.
5. Mshiriki atakayefanikiwa kununua miti ya misaji hataruhusiwa kusafirisha magogo nje ya nchi kwa mujibu wa kanuni ya 50 (1) ya kanuni za misitu za mwaka 2004.
6. Mshiriki aliyeshinda atapaswa kuwasilisha kwa Mhifadhi Mkuu wa Shamba uthibitisho wa malipo siyo zaidi ya siku tatu (3) baada ya malipo kufanyika.
7. Mshiriki aliyeshinda mnada atatakiwa kuondoa mazao ya misitu aliyonunua ndani ya **siku sitini** baada ya kumaliza kulipa malipo yote kwa asilimia 100. Aidha, endapo kutajitokeza changamoto ambazo zitasababisha kushindwa kuondoa mazao hayo ya misitu kwa muda uliopangwa, barua rasmi itawasilishwa kumjulisha Mhifadhi Mkuu wa Shamba kwa maamuzi.
8. Miti hiyo ya misaji itauzwa mahali ilipo na jinsi ilivyo na mnunuzi hatakuwa na haki ya kudai fidia baada ya mauzo kufanyika.

Wajibu wa Wakala wa Huduma za Misitu Tanzania

Wakala;

1. Utapanga ploti za kuuza kama zinavyooneshwa katika Jedwali la orodha ya bei za kianzio (mrabaha tu) kwa mita moja ya ujazo, na
2. Utatoa barua ya ushindi na hati ya madai kwa mnunuzi aliyeshinda mnada kwa kila ploti mara baada ya kumalizika kwa mnada.

Ploti za Miti ya Misaji inayouzwa zimeorodheshwa katika jedwali kama ifuatavyo:-

**JEDWALI LA ORODHA YA PLOTI ZITAKAZOUZWA KATIKA SHAMBA LA
MITI LONGUZA**

Na.	JINA LA PLOTI	UJAZO KWA PLOTI (M ³)	BEI KWA META YA UJAZO (Tsh/M ³)	FUNGU LITAKALOUZWA
1	KH1 - t25	79.719	693,000.00	Fungu Na. 1 kwa saa 1 na dakika 30
2	KH1 - C3	56.484	693,000.00	
3	KH1 - C4	65.239	693,000.00	
4	KH1 - C19	110.029	720,000.00	Fungu Na. 2 kwa saa 1 na dakika 30
5	KH1 - C36	76.509	693,000.00	
6	KH1 - C2	72.711	693,000.00	
7	KH1 - C5	62.655	693,000.00	Fungu Na. 3 kwa saa 1 na dakika 30
8	KH1 - C10	51.750	693,000.00	
9	KH1 - C12	61.381	693,000.00	
10	KH1 - C13	67.262	693,000.00	Fungu Na. 4 kwa saa 1 na dakika 30
11	KH1 - C15	37.963	693,000.00	
12	KH1 - C25	78.762	693,000.00	
13	KH1 - C16	52.264	693,000.00	Fungu Na. 5 kwa saa 1 na dakika 30
14	KH1 - C17	67.810	693,000.00	
15	KH1 - C26	74.660	693,000.00	
16	KH1 - C27	86.705	693,000.00	Fungu Na. 6 kwa saa 1 na dakika 30
17	KH1 - C29	90.348	693,000.00	
18	KH1 - C50	121.646	720,000.00	
	JUMLA	1,313.897		

Tangazo hili linapatikana katika tovuti zifuatazo za: www.tfs.go.tz na www.mnrt.go.tz

Limetolewa na;

KAMISHNA WA UHIFADHI
S. L. P. 40832
DAR ES SALAAM